



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Sortes etiam diuino instinctu monstratas rectè usurpari, si tamen rectè examinentur; exemplo S. Augustini, apertione libri, Dei voluntatem discentis.

urn:nbn:de:hbz:466:1-45653

virgæ suæ. nomen autem Aaron erit in tribu Leui, & una virga cunctas seorsim familias continebit: ponēsq; eas, in tabernaculo faderis, coram testimonio, ubi loquar ad te. quem ex his elegero, germinabit virga eius. Has virgas, cum posuisset Moyses coram Domino, in tabernaculo testimonij: sequenti die, regressus inuenit germinasse virgam Aaron, in domo Leui: & turgentibus gemmis eruperant flores, qui folijs dilatatis, in amygdalas deformati sunt. Cur autem Deus hoc fieri iussit, ipse prodidit illis verbis: Refer virgam Aaron in tabernaculum testimonij, ut seruetur ibi in signum rebellium filiorum Israël, & quiescant querele eorum. Ita enim apparebat, diuinitus, non autem fraterno aliquo humano affectu, factam Aaronis electionem. Quare, etiam in noua lege, fuit inspiratio Dei, vt sorte eligeretur Matthias, nec ceteris Apostolis inferior censeretur, nisi à Christo ipso electus esset; & quia inter Barsabam ac Matthiam sanctitate & doctrinæ adeò pares, humano iudicio, discerni non poterat, vter præferendus esset; nisi Deus, per sortes à se temperatas, iudicium suum declarauisset. Rectè per sortem electus Saul, de cuius electione sic loquitur scriptura: Et applicuit Samuel omnes tribus Israël, & cecidit 1. Reg. 10. 20. Sors tribus Beniamini. Et applicuit tribum Beniamini & cognationes eius, & cecidit cognatio Metri, & peruenit usq; ad Saul filium Cis. Quis dubitet, Samuelem diuino iussu, hunc electionis modum obserualisse? Sicut & Dauidem, quando familiarum Eleazar & Ithamar vi- 1. Paralip. ces, in ministerio Domini, sortibus diuisit? Itémque, quando mi- 24 5. serunt & ipsi sortes contra fratres suos filios A. m., coram Dauid rege, Ibid. v. 31. & Sadoc, & Achimelech, & Principibus familiarum Sacerdotalium & Leuiticarum, tam maiores, quam minores omnes sors equaliter diuidebat. Talem sortis usum expresse, in furto Achan deprehendo, mandauit Deus, his verbis: Accedetis manè singuli, per tribus vestras: & quamcunq; tribum sors inuenierit, accedet per cognationes suas, & cognatio per domos, domusq; per viros. Sic in reum inquiri iussit Deus, quis summum Iudicem iudicet male iussisse? Qui utiq; etiam rectè iussit, quando Moysi dixit: Iste diuidetur terra, iuxta Num. 26. 53. numerum vocabulorum in possessiones suas. Pluribus maiorem partem dabis, & paucioribus minorem: singulis, sicut nunc recensiti sunt, tradetur possessio: ita duntaxat ut Sors terram tribubus diuidat & familys. Quidquid sorte contigerit, hoc vel plures accipient, vel pauciores.

Quartum documentum. Nec iuissone duntaxat, sed etiam admonitione diuina, quando ea est satis clara, Sortes rectè consu-

S. Aug. 1.8. **consuluntur.** Quod D. Augustino factum est, de vitæ statu delibera Confess. cap. ranti. *Flebam, inquit, amarissima contritione cordis mei: Et ecce audiō vocem de vicina domo, cum cantu dicentis, & crebro repetentiis, quasi pueri, anpuellæ, nescio: Tolle lege, tolle lege.* Ac ne temere videatur credidisse ignotæ vocis admonitioni, subiungit: *statimq., mutato vultu, intentissimus cogitare cœpi, utrumnam solerent pueri, in aliquo genere ludendi, cantare tale aliquid, nec occurrebat omnino, audiri sse me uspiam.* Eant, qui sorte consultoria se ipsos fallunt, & quærant, quam prætexere possint excusationem suæ leuitati; cum D. Augustinus, ne clare quidem monenti voci statim voluerit fidei adhibere; quia & imaginatio potest decipi, & vox ab alio etiam ad aures accidere, immo ab Alastore etiam singi. *Qua de causa cautela opus est, præsertim mulierculis, & simplicibus, quibus omnis phantasia reuelatio videtur, alioqui ad sortes & fortilegia pronis.* Si tamen vel vox est prudenter examinata, vel instinctus bene exploratus, si spiritus probatus, num ex Deo sit; & potius, si constet de reuelatione, ad hoc genus sortiendæ diuinæ voluntatis excitante, nequaquam ei est reluctandum. Discretio autem spirituum, est peculiare donum Dei, nec penes unumquenque. Quare, ne, in eiusmodi negotijs, illusionibus, se quis exponat peritiores debet consulere, & finem æquè ac internam lucem spectare, maximèque personam illam, cui reuelatio est facta. *Qua de relegendus est Delrius lib. 4. disq. c. 1. q. 3. sect. 1. 2. & 3.*

VI.
D. Antonin.
3. P. sum. hi-
stor. tit. 24.
9. 7. D. Bo-
nauentura in
vita S. Fran-
cisc. cap. 13.

Hoc pacto, carptim & obiter D. Antoninus, plenè D. Bonauentura narrat, S. Franciscum sorte vsum. *Immissum est eius men-
ti, ait, per diuinum oraculum, quod, in apertione libri Euangelici, aperi-
retur ei à Christo, quod Deo, in ipso, & de ipso, maximè foret acceptum.* *Oratione itaq., cum multa deuotione, premissa, sacrum Euangeliorum
librum de altari sumtum, in SS. Trinitatis nomine aperiri fecit, per sociū,
virum utiq. Deo deuotum & sanctum. Sane, cum, in tripla libri apertione,
semper Passio Domini occurreret, intellexit vir Deo plenus, quod, sicut
Christum fuerat imitatus in actionibus vita, sic conformis ei esse deberet
in afflictionibus & doloribus Passionis, antequam ex hoc mundo transiret.* Optima vtique fors fuit, quæ docuit, non vlcisci inimicos, sed di- ligere; non sectari delicias, sed, cum Christo, & pro Christo, cru- cem ferre.

VII.

Pro quarti huius documenti cautela, rectèmonent non nulli, sortes è fortuita libri apertione aut alio quopiam simili signo, non